

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-13430/24
Sarajevo, 03.6.2024. godine

Na osnovu člana 24. a), člana 28. i člana 70. Zakona o javnim nabavkama („Službeni glasnik BiH“, br. 39/14 i 59/22) i člana 26. Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022. godine, a na preporuku Komisije za javnu nabavku radova, Općinski načelnik donosi:

ODLUKU

I

Prihvata se ponuda ponuđača „Hidrom“ d.o.o. Vogošća sa ponuđenom cijenom za ugovor u iznosu od 73.580,19 KM bez PDV-a, odnosno 86.088,82 KM sa PDV-om u predmetu pregovaračkog postupka bez objave obavještenja o nabavci - „Izvođenje dodatnih radova na izgradnji vodovodne mreže u ulici 14. juni u zoni rezervoara Donji Mihaljevići“ po osnovnom ugovoru br. 02/12-19-13194/23 – Ug.br. 1 od 22.9.2023. godine“.

II

Zadužuje se Služba za zajedničke poslove da obavijesti učesnika u pregovaračkom postupku o prihvatanju ponude, te da nakon isteka žalbenog roka pripremi ugovor i dostavi Općinskom načelniku na potpis.

Obrazloženje

Služba za investicije i komunalne poslove aktom br. 02/08-19-18434/23 NT od 19.4.2024. godine tražila pokretanje pregovaračkog postupka za dodatne radove jer je tokom realizacije Ugovora br. 02/12-19-13194/23 – Ug.br.1 od 22.9.2023. godine - „Izvođenje radova na izgradnji vodovodne mreže u ulici 14. juni u zoni rezervoara Donji Mihaljevići“ od stručno-tehničkog nadzora Zavod za izgradnju Kantona Sarajevo dostavljen akt broj 03-4-3404/24 od 04.4.2024. godine kojim se konstatuje da je u toku realizacije ugovora došlo do potrebe za izvođenjem dodatnih radova zbog produženja trase po dopisu KJKP „Vodovod i kanalizacija“ d.o.o. Sarajevo, te je stručni tehnički nadzor dao saglasnost na opise pozicija i količine koji su predmetom pregovaračkog postupka.

Na osnovu naprijed navedenog Služba za zajedničke poslove utvrdila je da su ispunjeni uslovi za pokretanje pregovaračkog postupka u skladu sa članom 24. (a) Zakona o javnim nabavkama. Shodno tome donesena je Odluka o pokretanju postupka javne nabavke br. 02/12-19-13430/24 od 10.5.2024. godine - „Izvođenje dodatnih radova na izgradnji vodovodne mreže u ulici 14. juni u zoni rezervoara Donji Mihaljevići“ po osnovnom ugovoru br. 02/12-19-13194/23 – Ug.br. 1 od 22.9.2023. godine“, u pregovaračkom postupku bez objave obavještenja o nabavci. Služba za zajedničke poslove je potom uputila poziv za učešće u pregovaračkom postupku broj 02/12-19-13430/24 od 13.5.2024. godine ponuđaču „Hidrom“ d.o.o. Vogošća.

Zapisnikom o otvaranju ponuda od 20.5.2024. godine Komisija je konstatovala da je u predviđenom roku, u propisno upakovanoj koverti, pristigla (1) jedna ponuda ponuđača: „Hidrom“ d.o.o. Vogošća. Komisija je izvršila analizu dostavljene inicijalne ponude br. 20/24 od 20.5.2024. godine i utvrdila da ispunjava formalno-pravne uslove utvrđene pozivnim pismom, da su uz ponudu dostavljena uvjerenja iz člana 45. Zakona, te je nakon izvršene analize jediničnih cijena pristupljeno postupku pregovaranja sa predstavnikom ponuđača.

U toku postupka pregovaranja, dana 23.5.2024. godine stručna tehnička lica su pregovarala sa predstavnikom ponuđača o mogućnosti smanjena cijene ponude, te je ponuđač pozvan da u roku od tri dana dostavi konačnu ponudu.

Ponuđač je u ostavljenom roku putem protokola dostavio konačnu ponudu br. 20/24 od 24.5.2024. godine sa ponuđenom cijenom za ugovor u iznosu od 73.580,19 KM bez PDV-a, odnosno 86.088,82 KM sa PDV-om, Komisija je izvršila računsku kontrolu ponude i konstatovala da nije bilo računске greške.

Komisija je izvršila uvid u osnovni ugovor zaključen sa ponuđačem, te ugovore koji za predmet imaju slične radove, te su stručna tehnička lica Komisije utvrdila da iznos konačne ponude nije smanjen nakon postupka pregovaranja ali da je riječ o dodatnim radovima i cijenama koje su utvrđene u osnovnom ugovoru, te da su jedinične cijene u konačnoj ponudi u skladu sa tržišnim cijenama i osnovnim ugovorom. Na osnovu navedenog Komisija je dala preporuku za prihvatanje ponude i dodjelu ugovora ponuđaču „Hidrom“ d.o.o. Vogošća.

Imajući u vidu navedeno, na preporuku Komisije za javne nabavke radova, a primjenom člana 28. i člana 64. stav 1. tačka b) Zakona o javnim nabavkama ("Službeni glasnik BiH" broj 39/14 i 59/22), odlučeno je kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Aniša Bešagić, sekretar komisije

DOSTAVITI:

1. Ponuđaču u postupku
2. Služba za zajedničke poslove
3. Komisija za javne nabavke radova
4. U spis

